

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

Opuscula Spiritalia - I. Horologium Asceticum. II. Principia Vitae
Christianae. III. Manuductio ad Coelum. IV. Via Compendii ad Deum. V. De
Sacrificio Missae. VI. De Discretione Spirituum ... Operum Eminentiss.
Cardinalis, Tom. I

Bona, Giovanni

Parisiis, 1677

§. 12. Aspirationes pro quotidianis exercitationibus

urn:nbn:de:hbz:466:1-9969

nus eam mereri potuisse. Illos deinde, quos hujusmodi donis carere conspicias, ne contemnas, aut minoris æstimnes: perfectio enim non in his gratiis extraordinariis, sed in ferventiori amore Dei & majori tolerantia consistit. Cave etiam ne nimium afficiaris erga consolationes & delicias spirituales, quæ infusam orationem comitari solent; sed memor psalmi præcientis, *Divitiae si affluant, nolite cor apponere;* divinæ voluntati conformare te stude cum plena resignatione ad carendum in perpetuum talibus donis, & vivendum, si Deo placuerit, in ariditate & desolatione. Quod si tibi subtraxerit Deus gratiam hujus orationis, & cœlestes illæ divinarum consolationum aquæ defecerint, fuge otium, & strenue incumbē solidarum virtutum exercitationi, & orationi mentali magis ordinariæ, donec iterum aspiret dies, & lux Spiritus sancti denuo cordi tuo illucescat. Denique, hoc donum, dum eo potiris, humilitatis velo sapienter occulta, nec ob illud inaniter insolescet: nam quò magis te abjicies, eò altius ab eo exaltaberis, qui superbis resistit, & gratiam præstat humilibus.

9. XII. Aspirationes pro quotidianis Exercitationibus.

UT in omni actione tua mens nunquam à Deo defletat, eam subinde ad ipsum elevabis ignitis aspirationibus, quas in principio, progressu, & fine cuiusque operis ex intimo cordis affectu elicies. In exemplum sequentes propono.

Adjuua, dirige, & conforta me Domine, ut tecum, propter te, & secundum te hoc opus perficiam, quia sine te nihil sum, nihil possum. Suscipe sancta Trinitas unus Deus hoc exiguum servitutis meæ obsequium ad maximam tui gloriam, sitque mea unica delectatio & merces magna nimis, ut in eo tibi placeam, licet toti mundo displiceam. Mihi proximum est, ut ab hominibus judicer, aut ab humano die, neque diem hominis desideravi, tibi sis: sed ad te sunt oculi mei, qui habitas in cœlis.

Purga me Domine ab omni impuritate, averte omnem tem-
piditatem & negligentiam, da vires menti & corpori, il-
lumina intellectum, accende voluntatem, & da huic operi
salutarem progressum, ut a te cœptum per te perficiatur.

Accende me, & promove ad omne opus bonum, clementissime Pater, ut in beneplacito dilecti Filii tui tibi placitis actibus semper merear occupari.

Serviat tibi Domine Deus, quicquid ago, lego, & scribo,
quicquid cogito, dico, & intelligo, omne opus meum a te in-
cipiat, & in te finiatur.

Hunc meum laborem tibi, Domine Iesu, gratum faciant
omnium electorum tuorum labores & quicquid ab eis pro tui
amore, & honore gestum est: omnia enim illorum opera offe-
ro tibi, & per te Patri tuo & ad gloriam tuam.

Ab si mihi liceret elongari ab hominibus, & procul a né-
gatius vivere in solitudine, quales delitiae! sed si tu, Domine,
aliter disponis; fiat voluntas tua.

Quam bonum est, & quam jucundum tibi nude, & sim-
pliciter adhaerere, Deus meus, qui primum principium, &
ultimus finis. Atque utinam, cum foris visor maximapars
mei in te quiescat, in quo est vita mea, & gaudium & voluptas.

Da mihi Domine sedum tuarum assistricem sapientiam,
ut mecum sit & mecum labore, ut sciam quid acceptum sit
coram te omni tempore.

Penitentia Domine temporis inutiliter transacti: penitentia
quod parum hactenus te dilexi. Utinam deinceps in rebus ti-
bi placitis semper occuper.

Veni cœlestis amor, & splendidissima luce tua dissipa tene-
bras ignorantia meæ, tuoque ardore vivifica languentem ani-
matum meum, ut videam semper quid agere debeam, & illud
opere compleam.

Domine Iesu, omnes negligencias meas & omnia peccata
in sanguine tuo preiosissimo, & in abyso tuae infinitæ chari-
tatis ac misericordie immergo & projicio, rogans te humili-
liter, ut ea ad nihilum redigas & absorbeas, & nunquam
implius compareant.